



UNIVERSITÄTS-  
BIBLIOTHEK  
PADERBORN

**Enchiridivm Chronologicvm Sacræ Et Prophanæ Historiæ**

**Salian, Jacques**

**Coloniæ Agrippinæ, 1638**

Capvt XI. Alia quædæm in eandem rugulam peccata.

---

[urn:nbn:de:hbz:466:1-64957](https://nbn-resolving.de/urn:nbn:de:hbz:466:1-64957)

*ad Chronologiam.*

C A P V T   X I .

*Alia quedam in eandem rugula  
lam peccata.*

PER simili modo peccatur ab ijs , qui  
ut ortum Abrahæ, in septuagesimo  
Patriis anno constituant , quod Scri-  
ptura non asserit , quod tamen depro-  
peranti apparere solet , sacram Chro-  
nologiam totis sexaginta annis di-  
nuunt ac detruncant : suppari quoque  
licentia duas inuehunt eiusdem Pa-  
triarchæ peregrinationes , quamuis  
nullū extet in tota Scriptura , de prio-  
re illa tam diurna 60. annorum per-  
egrinatione , vestigium . Etsi Moses Pa-  
triarcham , ex ipsa eductum Chaldæa ,  
in Haram & Mesopotamiam , in Syri-  
am , Chananicidem & Ægyptum , om-  
nibus prope vestigijs persequitur .

Quæ cum in Annalibus nostris di-  
ligentius persecuti essemus , non quiet-  
uerunt tamen qui contra sentiunt .  
Quippe absurdum putant existimare  
Mosem non posuisse distinctius annū  
Patriarchæ natalem , cum cæterorum  
Patriarcharum annos tam explicate  
distincteq; notauerit . Quibus nos re-  
spondebimus non esse nostrū , de Mo-  
sis cōsilio proferre sententiam ; possu-

## *Introductio*

mus tamen non temere dicere, Mo-  
sem in isto Patriarcharum catalogo,  
distincte semelque dixisse, quod pro-  
positum habuit de singulis dicere: de  
Abrahamo vero, propter quem tex-  
batur ille catalogus, & in quo termi-  
natur, non ita exactè ibi dixisse, sed e-  
ius orrum cum fratribus misceuisse.  
Quare autem nimirum quia deinceps  
accuratè, & ex instituto de ipso actu-  
rus erat. Eodem modo idem Moses in  
exponenda rerum productione, enu-  
merauit primò singula, quæ sex dierū  
serie à Deo producta sunt; ibidemque  
de productione Adami & Èvi & confu-  
se dixit, *Creauit Deus hominem ad ima-*  
*ginem suam, masculum & fœminā crea-*  
*uite eos: adeo ut eos ne nominaret qui-*  
*dem. Nimirum postmodum utriusq;*  
*productionem ac formationem sigil-*  
*latim erat explicaturus.*

Sed placet hoc ipsum altero, cum  
bona Lectoris venia, exemplo firma-  
re. Eandem quippe narrandirationem  
& viam ab eodem scriptore in Noëmo-  
seruatam videmus. Primorum enim  
Patriarcharum catalogum ab Adamo  
exorsus, ad Noëmum usque ita pro-  
duxit, ut singulorum ab illo capite æ-  
tatem & scbolē, quæ prodendæ mor-  
talium progressioni seruiebat, strictim

per-

*ad Chronogiam.*

pertexeret; in Noëmo autem ita filium narrationis abruperit, ut eius ætatem & filios nominasse contentus, nouam deinceps narrationem ordiretur, in qua de ipso Noëmo filijsque eius differeret accuratius. Ex quibus facile est intelligere, quæ hoc quoque loco Scriptoris sacri mens fuerit in Abrahami stirpe, & auorum eius serie construenda.

Itaque ne ille quidem locus, quem vnum plurimum sibi fauere putant, natalem hunc annum distincte ponit: quippe qui in eumdem annum ortum duorum Abrahæ fratrum conferat, Nachoris, inquam, & Arani; quos tamen eodem ipso anno natos probare non possunt: præfertim cum Aran ex Iosephi, & communissima Hebræorū sententia, cui S. Augustinus, S. Hieronymus, S. Thomas, Abulensis, Pererius, alijq; passim interpres assentuntur, Aran, inquam, fuerit Saræ pater, & sacer Abrahæ. Sacer autem ad generū se instar haber parentis. Deinde nonne hic annus, de quo certamus, sat is accuratè mox expressus est à Mose, cum scripsit anno patris ducentesimo quinto Abrahamum natum fuisse annos quinque supra septuaginta? Denique quomodo absurdum putant non

*In trad. l.  
Hebr.*

## Introductio

distincte possum annum istum à legislatore, neque absurdum existimant annos sexaginta prioris peregrinationis Abrahamicæ mirabili, ne dicā incredibili silentio, ab eodem scriptore suppressos, qui, ut dicebamus, omnia eius dicta, facta, consilia, hospitia per singulos prope dies accurate dinumeret. Non contenti porro aduersarij geminā Abrahæ ex Haran propugnare migrationē, nos etiam peruerſionis audacter accusant, quam ipſi eodem in loco vitare non poslunt, dum S. Stephani verba traiiciunt; atq; peruerſunt. Quippe cum is distincte atq; ordine dixisset translatum Abramum in Chananitidem, post mortem patris, & non datam illi hereditatem in ea, neq; passum pedis, quippe quem Deus peregrinè agere, in ea regione statuerat; sed re promissam tamen in gratiam vsumque filiorū eius, quos nondum suscepserat: ipſi promissionem aliò trahunt, & in id tempus pertinendo transferunt, quo primum tempore Patriarcha ē Chaldaea cum patre proficisciēbatur, id est ad annum retro sexagesimum quintum.

Vide quæſo, mi Lector, locum ipsum, nec patere offundi tenebras luci. Nam D. Stephanus, pro ratio temporis

Cap. 5. po.  
q̄ns.

p. 90. Rer.

Ad. 7. s.

*ad Chronologiam.*

poris exigebat, principio translatio-  
nem, siue migrationem in Chananæ.  
posuit, volente Deo famulum suum  
quasi in rem præsentem, & possessio-  
nem venire regionis, quæ filijs eius  
destinata erat; qui cum nondum natu-  
ræ essent, ideoque ipsi sibi non posset  
pater ipse eorum nomine, terræ pos-  
sessionem adiit, quasi ex Prætoris de-  
creto dicentis, *Semini tuo dabo terram*  
*banc*, quam scilicet præsenti ostende-  
bat præfens. Quam promissionem se-  
nex se acceptam habere protinus o-  
stendit, ædificato ibidem altari. Vides  
Lector, promissionem dationi substi-  
tutam; eique quodammodo cohæren-  
tem, & eodem orationis filo contex-  
tam, & in Chanantide, non in Chal-  
dæa factam; quæ illi ita corrigunt ut  
promissionem velint 60. annis ante-  
cedere translationem, & Chanantide  
dem in Chaldæam mutant, quasi Deus  
Abrahæ Chaldæam promiserit; deni-  
que *promisit in promiserat* conuertant.  
Nonne satius fuerat, fictitiam illam,  
nulloque modo necessariam, vel  
serò abolere migrationem, quam  
sacrorum codicum verba mentem-  
que distorquere? Quia, ut par est,  
immota consistente, vitare non pos-  
sunt quin Ismaël & Isaac nati sint; post

## Introductio

annum patris centesimum trigesimum  
quintum; cum tamen ille ortus sit an-  
no patris octogesimo septimo, iste  
centesimo.

Quoniam vero videbat amicus no-  
ster improbabiliter atque absurde à  
plerisque dici Abrahamum sexaginta  
illis annis crebro adiisse parentem su-  
um, in Charan tam diu commorantem,  
maluit ipse omnia hæc pietatis atque  
humanitatis officia, quasi impacta se-  
curi præscindere, atque affirmare, i-  
psum semel omnino sub patris obitū,  
paterni funeris curandi causa, & di-  
videndæ cum fratre hæreditatis, pro-  
fectum in Charan. Itaque fatetur A-  
brahamum totis sexaginta annis, pa-  
tris caruisse conspectu, humanitatis ac  
paternæ pietatis oblitum, qui tamen  
in externos, ignotosque homines hu-  
manissimus fuit: & eius parentis obli-  
tum, qui propter suum in ipsum amo-  
rem, è paterna domo tam grandis na-  
tu, cum ipso migrauerat: & quod ca-  
put est, quem infirmum in fide ac ty-  
ronem studiose foueri oportebat. Ita-  
que, si ipsum audies, cadet in sanctissi-  
mum Patriarcham seuerissima illa vox  
Apostoli, *Si quis suorum, & maxime do-*  
*mesticorum curam non habet, fidem nega-*  
*sit, & est infideli deterior. Absit à nobis*  
*tam.*

*1 Tim. 5, 8.*

*ad Chronologiam.*

nam male de tali ac tanto viro sentire.  
Affuit illi potius charitate singulari, ut  
filium bene moratum decebat, ad an-  
nos fere quinque in Charan; & quem  
iamdudum à recto Dei cultu aberran-  
tem, Deo conciliauerat, eundem ad  
mortem usq; in vera religione suspen-  
tauit. Imo hæc vna causa fuit, cur  
quinque annis, à relicta Chaldæa, pro-  
fectionem differet in Chananaeorum  
terras.

Prudentia quoque, & rectæ ratio-  
nis iudicium merito desideretur in  
ijs, quibus non satis est testimoniū in Se-  
ptuaginta viris, vtique sapientibus, &  
Dei spiritu plenis, & quorum non in-  
tererat mentiri; ac ne in sancto quidē  
Luca Euangelista, cum iuniorem Cai-  
nan posteriorum Patriarcharum cho-  
ri inserunt; eiusque ortum, parentem,  
ætatem, liberos, mortemq; definiunt.  
Neq; intelligunt, qui contra sentiunt,  
iustum Moysi causam esse potuisse,  
cur illum prætermitteret, sicut S. Mat-  
thæo fuit, tres ut reges in suo Euange-  
lico catalogo missos faceret; non po-  
tuisse autem esse S. Lucæ; neque Se-  
ptuaginta senioribus causam ullam,  
cur hunc Cainan Patriarcharum cata-  
logo falso insererent, quod sine men-  
dacio fieri profecto non potest.